

1991

C O D I C E S

1992

dringentesimo tricesimosexto. Nihil de his ad h. a. *Conspectus Hist. Univ.*

Ad Codicem compingendum postice adhibita est lacinia admodum vetusta rabbinici cujusdam Tractatus.

DCCCXII.

U. 112 Codex chartaceus lat. Sec. XV. Folior. 292. 4. currente calamo exaratus I. continet varias Prolusiones Academicas, puta in *Lecturam Evangelii Lucae*, in *Materias principales Librorum Sententiarum*, speciatim in *Librum III. in I. in II. &c.* quarum omnium Thema illud *Lucae I. 78. Visitavit nos oriens ex alto.*

II. fol. 69. sequitur *Lectura in II. Sententiarum* hoc ingressu: *Circa primam distinctionem 2^a Queritur Vtrum in temporis inicio deus fecerit mundum ex nichilo &c.*

III. fol. 257. accedunt *Dubia*, quae circa praedictum *Librum* moveri possunt. Autor nullibi proditur, neque id magno Eruditionis damno. Interim tamen ejusmodi Scripta, cum jam olim in serie *Codicum* suis numeris insignita sint, neque commode loco movere potui, neque penitus silentio premere volui, cum saltem veterum Academiae nostrae Doctorum *Αυτογεγραφα*, et Documenta sint, quanta industria rem illi scholasticam et sacra studia aevo suo promotum iverint. Id quod semel monuisse sufficiat.

DCCCXIII.

Codex chartaceus lat. Sec. U. 67 XV. Folior. 405. 4. calamo currente non uno conscriptus, rubricis tamen distinctus, et, ut p. notatur, quondam *Dominorum stipendiatorum burse Rose* varia Professorum olim Academiae *Vindob.* Monumenta scholastica hac serie complectitur: 1) Prolusionem de dignitate Scripturae sacrae principio mutilam. 2) fol. 10. Prolusionem in *Expositionem Prophetarum Zachariae et Malachiae.* 3) fol. 16. Prolusionem in *Sententias Petri Lombardi*, praeciqueque *Librum III. in qua* Autor Collegam suum in *Sententiis* exponendis nominat *M. Cristannum de Hurben*, qui Canonicus et Decanus *D. Stephani* praefuit Academiae Rector 1443. et obiit 1467. 4) fol. 21. p. 2. Prolusionem in *Librum IV. Sentent.* in qua praeter praedictum nominantur Collegae *M. perichtoldus*, *M. Johannes de Giengen* et *F. Joh. Streler* Ord. Praed. 5) fol. 26. p. 2. Similem in *Librum I. Sentent.* e cujus decursu patet, memoratum *M. Perchtoldum* appellatum fuisse *Deychster de Norimberga*, et *M. Johannem Heydarff* 6) fol. 52. p. 2. Discutiuntur Quaesita et *Dubia* varia theologica, inter alia fol. 76. *Vtrum christianus bonorantem se iudeum licite rebonorare possit. Respondetur breuiter, quod non.* 7) fol. 184. *Lectura 3ij Sententiarum.* 8) fol. 252. *Lectura quarti Sententiarum.* Atque his pluribus

1993

H O M I L E T I C I.

1994

bus immorari non est operae pretium.

DCCCCXIV.

- U. 68 Codex chartaceus lat. Sec. XV. Folior. 300. 4. currente, et, ut videtur, ipsius Autoris calamo perscriptus. Collectio est sacrarum Dictionum ad Populum M. Petri Reicher de Pirchenwart Canonici ad D. Steph. Reſtoratu Acad. bis annis 1425. et 31. functi, et an. 1436. mortui. Habitaſunt illae ab a. 1420 — 36. nulloque temporis ordine coagmentatae, ſed in fol. praevio manus aliquantum poſterior ad tempus eccleſiaſticum eas redegit. Plures earum in fronte gerunt et annum, quo, et locum, ubi propoſitae ſunt, puta ad S. Stephanum, ad Portam Coeli &c. Materia Poenitentiae prolixiffime omnium tractatur a fol. 221. ad fol. 245. In Sermone Dom. IV. poſt Trinit. ad S. Stephanum a. 1431. habito calamitates Huſſiticae deſcribuntur, memorantur miſſi in Almania propterea Cardd. Placentinus, Urſinus, et nunc Julianus dictus S. Angeli, item auctoritas praedicandae Crucis facta Domino Olomucenſi, ipſa demum Bulla fol. 104. pronuntiatur. Thecae anteriori inſcriptum: Liber Collegij Ducalis Wyen.

DCCCCXV.

- U. 199 Codex chartaceus lat. partim XIV. partim XV. Sec. Folior. 450. 4. confarcinatus e diverſis Scriptis, quorum magna pars ad-

modum difficili manu exarata eſt, hunc in anteriore Theca Titulum praefert: Poſiciones magiſtrorum. Queſtiones naturales. Principia ſententiarum. Collaciones ad clerum. Prioribus e Logica, Metaphyſica et Phyſica Ariſtoteliſ petitis immorari non eſt operae pretium. Pertingunt haec uſque ad fol. 371. admixtis etiam quibuſdam Quaestionibus theologicis. Ad Academiam Vienn. pertinere docent Magiſtrorum Nomina hinc et inde obvia, quae pro aliquo Historiae illius literariae ſubplemento ſervire poſſunt. Notiſſima ſunt Theodoricus Rudolphi de Hamelburg, Petrus de Pulka, Job. Angerer de Mülldorf, de quo fol. 264. cras hora octava incipiet legere primum librum Euclidis in lectorio ordinario, Criſtannus de Grecz Regine, Job. de Gmunden &c.

A fol. 302. jam etiam miſcentur Proluſiones, alique Sermones Academici in Collatione graduum habiti cum Problematibus ſimul diſputatis, quorum unum fol. 325. ita ſubſcribitur: Poſicio per quam reſpondi M. Sebaldo (de Ravenſpurg?) Licenciato in Medicina Studij Montispeſſulani et M. in artibus ſtudij Wienn. Anno 1415. et pro tunc fui Decanus immeritus facultatis Arcium. Loquitur hic Johannes Angerer ſupra et ſaepe alias nominatus, Praepoſitus deinceps Gurnitzenſis in Carinthia et a. 1432. mortuus, unde recte concluditur plurimas harum Adlocutionum ab illius calamo profeſtas eſſe.